

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
BROJ: 43 0 K 259065 25 K
Zenica, 08.01.2026. godine

U IME FEDERACIJE BOSNE I HERCEGOVINE !

Općinski sud u Zenici, sudija Agić Sabrija, kao pojedinac, uz učešće zapisničara Vardo Ajle, u krivičnom predmetu protiv optuženog H.M., zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, po optužnici Kantonalnog Tužilaštva Zenica, broj: T04 0 KT 0063323 25 od 11.06.2025. godine, nakon održanog usmenog, glavnog i javnog pretresa, u prisutnosti tužioca Mustafić Mensuda, optuženog H.M. i branioca Mujkić Azijade, advokat iz Zenice, dana 08.01.2025.godine donio je i javno objavio:

PRESUDU

Optuženi H.M., sin M. i majke R. rođena M., rođen ... godine u Z., nastanjen na adresi ..., grad Z., sa završenom srednjom školom, po zanimanju bravar, nezaposlen, povremeno zarađuje, bez imovine, neoženjen, lošeg imovnog stanja,..., državljanin BiH, JMB: ... osuđivan, ne vodi se drugi krivični postupak,

K R I V I J E

Što je,
dana 09.04.2025 godine, u Z., na adresi ..., suprotno odredbama člana 4. stav 1., 2., 3. i 4., i člana 19. i 20. Zakona o sprečavanju i suzbijanju zloupotrebe opojnih droga BiH, iako je bio svjestan da je držanje opojne droge radi prodaje zakonom zabranjeno, što je i htio, pa je neovlašteno radi prodaje držao opojnu drogu i to: 10 pvc vrećica u kojima se nalazi opojna droga marihuana u količini od 822,324 grama, za koju je vještačenjem utvrđeno da sadrže psihoaktivnu komponentu tetrahidrokanabinol (THC), koja je pod rednim brojem 13. Liste opojnih droga i rednim brojem 26. Liste psihotropnih tvari iz Tablice I Zabranjene tvari i biljke proglašena zabranjenom, dvije kese sa sadržajem bijele praškaste materije, šest pvc paketića sa bijelom praškastom materijom, kao i praškasta materija koja se nalazi na keramičkom tanjiru, u količini od 592,188 grama, za koju je vještačenjem utvrđeno da sadrži psihoaktivnu komponentu „amfetamin“, poznatija kao opojna droga „speed“, koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, jednu pvc kesicu sa sjemenkama biljke „cannabis sativa L“ neto mase 0,237 grama i u biljnoj prašini koja se nalazi na sjemenkama je utvrđena prisutnost psihotropne supstance „tetrahidrokanabinol“ (THC), koja potiče od opojne droge „cannabis“, 9 tableta roze boje u original blisteru „lexilium“ sadrži supstancu bromazepam koja se nalazi na Popisu opojnih droga, psihotropnih tvari iz kojih se može dobiti opojna droga, jednu digitalnu vagu sive boje, crnu vakum mašinu natpisa „Vacuum Sealer“, metalnu drobilicu, a koja opojna droga i predmeti su pronađeni od strane ovlaštenih službenih lica MUP ZDK, prilikom realizacije naredbe Općinskog suda u Zenici broj 43 0 K 259065 25 Kpp od 09.04.2025. godine;

dakle, neovlašteno radi dalje prodaje držao opojne droge,

čime je počinio krivično djelo Neovlašćena proizvodnja i stavljanje u promet opojnih droga iz člana 238. stav 1. KZ F BiH, pa se na osnovu istog člana i propisa, i uz primjenu odredbi člana 49. stav 1. KZ F BiH

O S U Ď U J E

na kaznu zatvora u trajanju od 1(jedne) godine i 3 (tri) mjeseca u koju kaznu se uračunava vrijeme provedeno u pritvoru i to od 09.04.2025. godine od 14,10 sati do 18.06.2025. godine.

U skladu sa članom 202.stav 4. ZKP-a F BiH optuženi H.M. se oslobađa obaveze da Sudu naknadi troškove krivičnog postupka.

U skladu sa članom 238. stav 4. KZ-a FBiH optuženom H.M. izriče se mjera sigurnosti oduzimanja opojnih droga i to: 10 pvc vrećica u kojima se nalazi opojna droga marihuana neto težine od 822,324 grama, , dvije kese sa sadržajem bijele praškaste materije, šest pvc paketića sa bijelom praškastom materijom, kao i praškasta materija koja se nalazi u keramičkom tanjiru, neto težine od 592,188 grama, za koju je vještačenjem utvrđeno da sadrži psihoaktivnu komponentu „amfetamin“, poznatija kao opojna droga „speed“, jednu pvc kesicu sa sjemenkama biljke „cannabis sativa L“ neto mase 0,237 grama i u biljnoj prašini koja se nalazi na sjemenkama je utvrđena prisutnost psihotropne supstance „tetrahidrokanabinol“ (THC), koja potiče od opojne droge „cannabis“, 9 tableta roze boje u original blisteru „lexilium“ sadrži supstancu bromazepam, a naređuje se Komisiji za uništenje opojnih droga, psihotropnih tvari, biljaka iz kojih se može dobiti opojna droga i prekursora pri Vijeću ministara BiH da odmah nakon prijema Naloga za izvršenje mjere sigurnosti a najdalje u roku od mjesec dana preuzme od Uprave policije MUP-a ZDK navedene opojne droge - preostale od vještačenja i iste uništi spaljivanjem u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora (Sl. Glasnik BiH br. 28/12).

U skladu sa članom 78. stav 1. KZ F BiH optuženom H.M.u izriče se mjera sigurnosti oduzimanja jedne digitalne vage, sive boje; jedne crne vakum mašine natpisa „Vacuum Sealer“ i jedne metalne drobilice koje se stavljaju na dalje raspolaganje Upravi policije MUP-a ZDK.

U skladu sa članom 78. stav 1. KZ F BiH nalaže se Upravi policije MUP-a ZDK da optuženom H.M.u vrati mobilni telefon marke Iphone, crne boje i mobilni telefon marke Iphone sa oštećenjem displeja odmah nakon prijema naloga za vraćanje predmeta.

Obrazloženje

Kantonalno tužilaštvo Zenica je dana 12.06.2025. godine kod ovog Suda podiglo optužnicu, broj: T04 0 KT 0063323 25 od 11.06.2025. godine, protiv optuženog H.M., zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, bliže opisano u dispozitivu Presude, a koja je potvrđena dana 18.06.2025. godine.

Optuženi H.M., prilikom izjašnjenja o krivnji, na Zapisnik ovog Suda od 28.08.2025. godine, izjasnio se da nije kriv za predmetno krivično djelo, a na glavnom pretresu u cjelosti je priznao izvršenje krivičnog djela koje mu se Optužnicom stavlja na teret, te je izjavio da se kaje i da daje obećanje Sudu da se to više neće ponoviti i da je upoznat sa posljedicama priznanja krivnje.

Tužilac je u dokaznom postupku pročitao i izvršen je uvid u slijedeće dokaze: standardizirani policijski izvještaj PU I Zenica PS Centar broj Nalaz i mišljenje hemijskog vještačenja FUP Sarajevo, Centar za forenziku broj: 09-18/2-03-5-829 od 24.04.2025. godine; Potvrdu o privremenom oduzimanju predmeta Uprava policije Zenica broj: 44/08-02-03/3-10/25 od 09.04.2025. godine na ime H.M.; Zapisnik o otvaranju i pregledu privremeno oduzetih predmeta i dokumentacije Uprava policije Zenica broj: 08-02-03/3-33/25 od 10.04.2025. godine; Naredba za pretres stambenog objekta – stana, drugih prostorija i pokretnih stvari koje koristi H.M. izdata od Općinskog suda u Zenici broj: 43 0 K 259065 25 Kpp od 09.04.2025. godine; Zapisnik o pretresanju stana, drugih prostorija i pokretnih stvari Uprava policije Zenica broj: 08-02-03/3-6/25 od 09.04.2025. godine; Zapisnik o pretresanju stana, drugih prostorija i pokretnih stvari Uprava policije Zenica broj: 08-02-03/3-7/25 od 09.04.2025. godine; Odobrenje KT ZDK Zenica broj: T04 0 KTA 0063323 25 od 10.04.2025. godine; Naredba za vještačenje KT ZDK Zenica broj: T04 0 KTA 0063323 25 od 10.04.2025. godine; Fotodokumentacija Uprava policije Zenica broj: 08-02-03/6-102 F/25 sa datumom fotografisanja 09.04.2025. godine; Fotodokumentacija Uprava policije Zenica broj: 08-02-03/6-103 F/25 sa datumom fotografisanja 09.04.2025. godine; Izvod iz kaznene evidencije za optuženog H.M. PU I Zenica od 10.04.2025. godine. Optuženi i Branilac nisu prigovorili sadržaju i zakonitosti dokaza.

Sud je cijeneći izvedene dokaze i priznanje krivnje optuženog H.M. utvrdio nespornim da je optuženi H.M. dana 09.04.2025 godine, u Z...na adresi ..., suprotno odredbama člana 4. stav 1., 2., 3. i 4., i člana 19. i 20.

Zakona o sprečavanju i suzbijanju zloupotrebe opojnih droga BiH, iako je bio svjestan da je držanje opojne droge radi prodaje zakonom zabranjeno, što je i htio, pa je neovlašteno radi prodaje držao opojnu drogu i to: 10 pvc vrećica u kojima se nalazi opojna droga marihuana u količini od 822,324 grama, za koju je vještačenjem utvrđeno da sadrže psihoaktivnu komponentu tetrahidrokanabinol (THC), koja je pod rednim brojem 13. Liste opojnih droga i rednim brojem 26. Liste psihotropnih tvari iz Tablice I Zabranjene tvari i biljke proglašena zabranjenom, dvije kese sa sadržajem bijele praškaste materije, šest pvc paketića sa bijelom praškastom materijom, kao i praškasta materija koja se nalazi na keramičkom tanjiru, u količini od 592,188 grama, za koju je vještačenjem utvrđeno da sadrži psihoaktivnu komponentu „amfetamin“, poznatija kao opojna droga „speed“, koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, jednu pvc kesicu sa sjemenkama biljke „cannabis sativa L“ neto mase 0,237 grama i u biljnoj prašini koja se nalazi na sjemenkama je utvrđena prisutnost psihotropne supstance „tetrahidrokanabinol“ (THC), koja potiče od opojne droge „cannabis“, 9 tableta roze boje u original blisteru „lexilium“ sadrži supstancu bromazepam koja se nalazi na Popisu opojnih droga, psihotropnih tvari iz kojih se može dobiti opojna droga, jednu digitalnu vagu sive boje, crnu vakum mašinu natpisa „Vacuum Sealer“, metalnu drobilicu, a koja opojna droga i predmeti su pronađeni od strane ovlaštenih službenih lica MUP ZDK, prilikom realizacije naredbe Općinskog suda u Zenici broj 43 0 K 259065 25 Kpp od 09.04.2025. godine. Priznanje krivnje optuženog H.M. za predmetno krivično djelo u cjelosti je potkrijepljeno sadržajem navedenih dokaza iz kojih je vidljivo da je počinio radnju i prouzrokovao zakonom zabranjenu posljedicu, bliže opisane u dispozitivu Presude, i da je na taj način ostvario obilježja krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH.

Dokazi u spisu ukazuju da je kod optuženog H.M. u kritično vrijeme postojala krivnja za krivično djelo koje mu se Optužbom stavlja na teret. Naime, on je bio svjestan i znao da čineći radnju, na način kako je to bliže opisano u dispozitivu Presude, postupao protivno Zakonu a što je i htio. Dakle, bio je svjestan svoga djela i htio je njegovo izvršenje, te je postupao sa direktnim umišljajem, pa ga je stoga Sud i oglasio krivim.

Iz Izvoda kaznene evidencije vidljivo je da je optuženi H.M. do sada bio dva puta osuđivan za razna krivična djela i da je zadnja osuda bila 2021. godine.

Prilikom odlučivanja o vrsti i visini krivične sankcije Sud je imao u vidu da je za predmetno krivično djelo propisana kazna zatvora od 1 (jedne) godine do 10 (deset) godina, težinu krivičnog djela, stepen i oblik krivnje optuženog H.M., s tim da je na strani Optuženog Sud cijenio kao olakšavajuće okolnosti da je priznao izvršenje krivičnog djela, da se kaje, da je dao obećanje da se to više neće ponoviti, dok je od otežavajućih okolnosti Sud našao da je Optuženi ranije osuđivan dva puta, te Sud imajući u vidu navedene okolnosti očekuje da će se izrečenom kaznom zatvora ostvariti opća i individualna svrha izricanja krivičnih sankcija.

U skladu sa članom 57.KZFBiH Sud je u izrečenu kaznu zatvora uračunao vrijeme koje je optuženi Hadžić Mahir proveo u pritvoru i to od 09.04.2025. godine od 14,10 sati do 18.06.2025. godine.

Odluka o troškovima postupka, koji se odnose na paušal u iznosu od 100,00 KM i troškove obavezne odbrane o kojim će Sud odlučiti posebnim rješenjem, temelji se na odredbama člana 202.stav 4. ZKP-a F BiH, a Sud je optuženog H.M. oslobodio obaveze da Sudu naknadi troškove krivičnog postupka iz razloga što se radi o licu koje nema redovna primanja i isti je bez imovine.

Odluka o izrečenoj mjeri sigurnosti oduzimanja predmetnih opojnih droga od optuženog H.M. temelji se na odredbi člana 238. stav 4. KZ FBiH, a kojom je propisano oduzimanje opojnih droga od lica koja je neovlašteno posjeduju i prometuju.

Odluka o vraćanju privremeno oduzetih predmeta optuženom H.M. u i to mobilnog telefona, marke Iphone, crne boje i mobilnog telefona, marke Iphone sa oštećenjem displeja, temelji se na odredbama članom 78. stav 1. KZ F BiH jer isti nisu upotrijebljeni za izvršenje predmetnog krivičnog djela niti se radi o predmetima koji su nastali izvršenjem predmetnog krivičnog djela.

Shodno iznešenom valjalo je Sudu odlučiti kao u dispozitivu Presude.

Zapisničar
Vardo Ajla, s.r.

Sudija
Sabrija Agić, s.r.

PRAVNA POUKA:

Protiv ove Presude može se izjaviti žalba
Kantonálnom sudu u Zenici u roku od 15 dana
od dana prijema pismenog opravka Presude.
Stranke i Branilac mogu izjaviti žalbu iz svih zakonskih
razloga. Žalba se podnosi putem ovog Suda u tri primjerka.

¹ Krivični zakon FBiH ("Sl. novine F BiH" broj: 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17 i 31/23)

¹ Zakon o krivičnom postupku F BiH ("Sl. novine F BiH" broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14, 74/20 i 58/25).